

Sche'nt Sauerdal.

O Sauerdal, sche'nt Sauerdal,
Wié baut em déch e stärke Wal,
Dén ofhèllt d'krigeresch Legio'nen,
Dass du ké Gráf ges fu Millio'nen?

Fum Wèsten hiér, aûs blud'ger Front,
Kent bis zu ons bâl all Zikond
E mèchtegt Grollen an e Wudren,
Dat Birg an Dal fun Angscht séch schudern.

Si wesse fun dém Lêd, dèr Misère,
De' op der Marne, der Somme, der Ysère,
Zesummeknéken di sche'nst Ble'
Fun alle Lènner, — jonk a fre'. —

Wa mir och net bis lo dat Bletzen
Gesi schon hu fun de Geschetzen,
Da bîrgt dach kén ons, dat kèng Ston
Ous hûole kent ons Frièdensson.

Si as ewèl scho schwâch a blêch!
D'gro'ss No't fum Land mécht d'Hiérz ons wêch.
Den Dâg brécht un, — en ass schon no —
Wo' mir erfuoren d'Hongersplo.

Wi ûrég Henn, de' em ons bèllen,
So' récken un zwé well Gesèllen:
Dén ên, — den Hunger — schwârz wi Pèch,
Dé rappt, dé reisst ons mat ewèg!

Den ânren fèrte mir net manner;
Sî krôpt no Alen, krôpt no Kanner;
Mécht alles do'd, ferbrènt d'ganzt Land! —
Fu Stôl an Eisen ass séng Hand;

Aus séngen Ân ro't Feier bletzt;
Sêi Blud ass lauter Hâs an Hetzt;
Sêi Mond as foll fu Gâl a Flich . . .
Dé Schrèckensgêsch . . . dât ass de Krich.

Soll hién mol dûrch deîn Dêlchen rosen,
Dûrch d'Krichstompètt den Do'd ons blosen,
Soll Hèff an Heiser hién fersèngen,
Soll d'Rîsefiélzen hién ons sprèngen,

Soll d'Aesbach, d'Halsbach hién fergeften,
Ous Bomme wèrfen aus de Leften,
O dann . . . o dann . . . le'ft Sauerdal,
Sin Do'deskrésch dein énz'ge Schal. —

Do'd ass de Besch: ké Ful me' séngt;
Do'd ass de Pâd: kèng Quèll me' spréngt;
Do'd ass d'ganz Dal: ké Kand me' lâcht
Dât alles hûot de Krich gemâcht

O Sauerdal, meî Sauerdal,
Wié baut em déch e stärke Wal,
Dén ofhèllt d'krigeresch Legio'nen,
Dass dû ké Gráf ges fu Millio'nen?